

اتوار یکم فروری، 2026

مضمون۔ پیار

سنہری متن: 1 یوحنا 4 باب 21 آیت

”ساہنوں اوہدے ولوں ایہہ حکم ملیاے پئی جیہڑا کوئی رب نال پیار رکھدا اے اوہ اپنے بھرانال وی پیار رکھے۔“

جوابی پڑھائی: 1 یوحنا 4 باب 7 توں 12، 18 آیتاں

- 7۔ اے پیاریو! آؤ اسی اک دو بے نال پیار کرئیے، کیوں جے پیار رب ولوں اے تے جیہڑا کوئی رب نال پیار رکھدا اے اوہ رب توں جیہڑا اے تے رب نوں جان دا اے۔
- 8۔ جیہڑا پیار نہیں رکھدا اوہ رب نوں نہیں جاندا کیوں جے رب پیار اے۔
- 9۔ جیہڑا پیار رب نوں ساڈے نال اے اوہ ایہدے توں ظاہر ہندا اے پئی رب نے اپنے اکلوتے پتر نوں جگ وچ گھلیتاں جو اسی اوہدے پاروں زندہ رہتے۔
- 10۔ پیار ایہدے وچ نہیں پئی اسی رب نال پیار کیتا بلکہ ایہدے وچ اے پئی اوہنے ساڈے نال پیار کیتا تے ساڈے پاپاں دے کفارے لئی اپنے پتر نوں گھلیا۔
- 11۔ اے پیاریو! جدوں رب نے ساڈے نال ایہدے پیار کیتا تے ساڈے اُتے وی اک دو بے نال پیار رکھنا فرض اے۔

12- رب نون کدی کسے نے نئیں ویکھیا۔ جے اسی اک دو جے نال پیار رکھدے آں تے رب ساڈے وچ رہندا اے تے اوہدا پیار ساڈے دل وچ کامل ہو گیا اے۔

18- پیار وچ ڈرنئیں ہندا بلکہ کامل پیار ڈرنون دور کر دیندا اے۔

درسی وعظ

بائبل وچوں

1- زبور 27 باب 1، 5، 6، 11، 14 آیتاں

1- خداوند میری لوتے میری ملتی اے۔ مینوں کیدا ڈر؟ خداوند میری حیاتی داپشتہ اے۔ مینوں کیدا خوف؟

5- کیوں جے مصیبت دے دن اوہ مینوں اپنے شامیانے وچ لکو کے رکھے گا اوہ مینوں اپنے خیمے دے پردے وچ لکا لووے گا۔ اوہ مینوں چٹان اُتے چڑھائے گا۔

6- ہن میں اپنے چاراں پاسیاں دے ویریاں توں اُچا کیتا جانواں گا۔ میں اوہدے خیمے وچ خوشی دیاں قربانیاں چڑھانواں گا۔ میں گانواں گا۔ میں خداوند دی وڈیائی کراں گا۔

11- اے خداوند مینوں اپنی راہ دس تے میرے ویریاں دے پاروں مینوں سدھی راہ اُتے چلا۔

14- خداوند دی آس رکھ۔ مضبوط ہوتے تیرا دل قوی ہووے۔ ہاں خداوند ہی دی آس رکھ۔

2- پیدائش 27 باب 41، 42 (توں دو جی)، 43 (میرا منڈا) آیتاں

- 41- تے عیسو نے یعقوب نال اوس برکت دے پاروں جیہڑی اوہدے پیو نے اوہنوں بخششی بریائی رکھی تے عیسو نے اپنے دل وچ آکھیا پئی میرے پیو دے وین دے دن نیڑے نیں۔ فیر میں اپنے بھر یعقوب نوں مار دیواں گا۔
- 42- تے ربتہ نوں اوہدے وڈھے پتر عیسو دیاں ایہہ گلاں دسیاں گیاں۔ تداوہنے اپنے نکلے منڈے یعقوب نوں بلا کے اوہنوں آکھیا پئی،
- 43- میرے پتر توں میری گل من تے اٹھ کے حاران نوں میرے بھر البن دے کول نس جا۔

3- پیدائش 31 باب 3 آیت

- 3- تے خداوند نے یعقوب نوں آکھیا پئی تو اپنے پیو دادے تے اپنے رشتہ داراں دے کول پرت کے جاتے میں تیرے نال رہواں گا۔

4- پیدائش 32 باب 1 (توں)، 3 (توں بھرا)، 6، 7 (توں:)، 24 تا 29 آیتاں

- 1- تے یعقوب نے وی اپنی راہ لئی تے رب دے فرشتے اوہنوں ملے۔
- 3- تے یعقوب نے اپنے آگے آگے قاصداں نوں اودوم دے ملک وچ جیہڑا شعیر دی دھرتی اُتے اے اپنے بھرا عیسو دے کول گھلیا۔

6- ایس لئی قاصد یعقوب دے کول پرت کے آئے تے آکھن لگے پئی اسی تیرے بھرا عیسو دے کول گئے سی۔ اوہ چار سو بندیاں نوں نال لے کے تینوں ملن نوں آرہیا اے۔

7- فیر یعقوب بوہت ڈر گیا تے پریشان ہو گیا۔

24- تے یعقوب کلا رہ گیا تے پو پھٹن دے ویلے تیکر اک بندہ اوتھے اوہدے نال کشتی لڑدارہیا۔

25- اوہنے ویکھیا پئی اوہ اوہدے اُتے غالب نئیں ہندا تے اوہدی ران نوں اندروں چھو نیا تے یعقوب دی ران دی نس اوہدے نال کشتی کرن نال چڑھ گئی۔

26- تے اوہنے آکھیا مینوں جان دے کیوں جے پو پھٹ چلی۔ یعقوب نے آکھیا پئی جد تیکر توں مینوں برکت نہ دیویں میں تینوں جان نئیں دیواں گا۔

27- فیر اوہنے اوہنوں پچھیا پئی تیرا کیہ نال اے؟ اوہنے جواب دتا یعقوب۔

28- اوہنے آکھیا پئی تیرا نال آگے توں یعقوب نئیں بلکہ اسرائیل ہووے گا کیوں جے توں رب تے بندیاں دے نال زور آزمائی کیتی تے غالب ہو گیا۔

29- فیر یعقوب نے اوہنوں آکھیا پئی میں تیری منت کرداں واں توں مینوں اپنا نال دس دے۔ اوہنے آکھیا پئی توں میرا نال کیوں پچھدا ایں؟ تے اوہنے اوہنوں اوتھے برکت دتی۔

5- پیدائش 33 باب 1 (توں پہلی-)، 3، 4 آیتاں

1- تے یعقوب نے اپنیاں اکھیاں چک کے نظر کیتی تے کیہ ویکھدا اے پئی عیسو چار سو بندیاں نوں نال لے کے ٹریا آؤندا اے۔

3- تے اوہ اوہناں دے آگے آگے ٹریا تے اپنے بھرا دے کول اپڑ دیاں اپڑ دیاں ست واری دھرتی تیکر جھٹلیا۔

4- تے عیسو اوہنوں ملن لئی نسیا تے اوہنوں گلے ملیا تے اوہنوں گلے لاکے چھیا تے اوہ دونوں روئے۔

6- متی 4 باب 23 آیت

23- تے یسوع سارے گلیل وچ پھر دارہیاتے اوہناں دے عبادتخانیاں وچ تعلیم دینداتے بادشاہی دی خوش خبری دی منادی کرداتے لوکاں دی ہر طراں دی بیماری تے ہر طراں دی کمزوری نوں دور کردارہیا۔

7- متی 5 باب 1، 2، 21، 22 (توں پہلی:)، 23، 24، 43، 45 (توں:)، 48 آیتاں

1- اوہ ایس جتھے نوں ویکھ کے پہاڑ اتے چڑھ گیا تے جد بیٹھ گیا تے اوہ دے چیلے اوہ دے کول آئے۔

2- تے اوہ اپنی زبان کھول کے اوہناں نوں اینج تعلیم دین لگیا۔

21- تسی سن چکے او پئی اگلیاں نوں آکھیا گیا سی پئی خون نہ کریں تے جیہڑا کوئی خون کرے گا اوہ عدالت دی سزا دے لائق ہووے گا۔

22- پر میں تہانوں سچی آکھداں پئی جے کوئی اپنے بھرا اتے غصہ کرے گا اوہ عدالت دی سزا کے لائق ہووے گا تے جے کوئی اپنے بھرانوں پاگل آکھے گا اوہ وڈھی عدالت دی سزا دے لائق ہووے گا تے جیہڑا اوہنوں بے وقوف آکھے گا اوہ جنم دی آگ دا سزاوار ہووے گا۔

23- ایس لئی جے توں قربانگاہ دے سامنے اپنی نذر چڑھا رہیا ہو نوں تے او تھے تینوں یاد آوے پئی میرے بھرانوں میتھوں کوئی شکایت اے۔

24- تے او تھے قربانگاہ دے سامنے ای اپنی نذر چھڈ دے تے جا کے پہلاں اپنے بھرانال صلح کرتے تے آکے اپنی نذر چڑھا۔

43- تسی سنیا اے پئی آکھیا گیا سی پئی اپنے گوانڈی نال پیار رکھ تے اپنے دشمن نال ویر۔

44- پر میں تہانوں آکھداواں پئی تسی اپنے ویریاں نال پیار کرو تے اپنے ستاؤن والیاں لئی دعا کرو۔

45- تاں جوں تسی اپنے پیو دے جیہڑا آسمان اُتے اے پتر ٹھہرو کیوں جے اوہ اپنے سورج نون بھیریاں تے نیکاں دونوں اُتے چکاؤند اے تے راستبازاں تے ناراستاں دونوں اُتے مینہ وراؤند اے۔

48- ایس لئی چاہیدا اے پئی تسی کامل ہوو جیویں تہاڈا آسمانی پیو کامل اے۔

8- لوقا 6 باب 31، 36، 37 آیتاں

31- تے جیویں تسی چاؤندے او پئی لوک تہاڈے نال کرن تسی وی اوہناں نال اونج ای کرو۔

36- جیویں تہاڈا پیو رحم کرن والا اے تسی وی رحمدل بنو۔

37- عیب جوئی نہ کرو۔ تے تہاڈی وی عیب جوئی نہ کیتی جاوے گی۔ مجرم نہ ٹھہراؤ۔ تے تسی وی مجرم نہ ٹھہرائے جاوے گی۔ خلاصی دیووتے تسی وی خلاصی پاوے گی۔

9- متی 6 باب 14، 15 آیتاں

14- ایس لئی پئی جے تسی بندیاں نون اوہناں دے قصور معاف کرو گے تے تہاڈا آسمانی پیو وی تہانوں معاف کرے گا۔

15- تے جے تسی بندیاں دے قصور معاف نہ کرو گے تے تہاڈا آسمانی پیو وی تہاڈے قصور معاف نہ کرے گا۔

10- متی 18 باب 21، 22 آیتاں

- 21- اوس ویلے پطرس نے کول آکے اوہنوں آکھیاے خداوند جے میرا بھراپاپ کردار ہووے تے میں کنسی کہ واری اوہنوں معاف کراں؟ کیہ ست واری؟
- 22- یسوع نے اوہنوں آکھیا میں تینوں ایہہ نئیں آکھدا پئی ست واری بلکہ ست واری داستر واری۔

11- 1 یوحنا 5 باب 1 (توں:)، 2 توں 4 آیتاں

- 1- جیدا ایمان ایہہ اے پئی یسوع ہی مسیح اے اوہ رب توں پیدا ہو نیا اے۔
- 2- جد اسی رب نال پیار کردے تے اوہدے حکماں اُتے عمل کردے آں تے ایہدے توں پتا چل جاندا اے پئی رب دے پتراں نال وی پیار کردے آں۔
- 3- تے رب دا پیار ایہہ اے پئی اسی اوہدے حکماں اُتے عمل کریئے تے وہدے حکم سخت نئیں۔
- 4- جیہڑا کوئی رب توں جمیا اے اوہ جگ اُتے غالب آؤندا اے تے اوہ غلبہ جیدے نال جگ مغلوب ہو نیا اے ساڈا ایمان اے۔

سائنس تے صحت

1- 15-10:494-11، 13 (توں)-15

الہی پیار نے ہمیشہ انسان دی لوڑنوں پورا کیتا اے تے ہمیشہ پورا کرے گی۔

۔۔۔ الہی پیار سارے لوکاں لئی ہر ویلے سب کچھ دیندی اے۔

فضل دا معجزہ محبت لئی کوئی معجزہ نہیں اے۔

2- 322:26-29، 3-32

مادے دی فرضی حیاتی اُتے عقیدے دے تیز ترین تجربے، ایہدے علاوہ ساڈیاں مایوسییاں تے نہ مکن والیاں پریشانیاں ساہنوں الہی محبت دیاں بانہواں وچ تھکے ہوئے بالاں وانگر اڑاندے نیں۔

انسان کر سچن سائنس دی سیانوں لہجہ سکدے نیں، پر اوہ کر سچن سائنس وچوں ہستی دیاں حقیقتاں نوں کوشش دے بغیر چنن دے قابل نہیں ہوون گے۔

3- 308:12-16

یعقوب کلا غلطی نال لڑ رہیاسی، حیاتی، مواد تے ذہانت دی فانی حس دے نال کوشش کر رہیاسی، جیویں پئی ایہہ سارے مادے دے نال ایہدی جھوٹی تسکین تے تکلیف دے نال موجود ہندے نیں، جدوں اک فرشتہ، سچیاں تے محبت وولوں اک سنیہا، اوہدے اُتے ظاہر ہوئیاتے اوہنوں، یا اوہدی طاقت نوں یا اپنی غلطی نوں ماریا، جد تیکر پئی اوہنے

ایہدی غیر اصلیت نوں نہ دیکھیا، تے اوتھے ادراک وچ آوندیاں ہوئے، سچائی نے الہی سائنس دے ایس فنی ایل وچ اوہنوں روحانی طاقت بخشی۔ فیر روحانی مبشر نے آکھیا: ”مینوں جان دے پئی سویر ہو چلی،“ یعنی تیرے اُتے سچائی تے محبت دی لو پوے۔ پر پودا دے نے، اوہدی غلطی نوں سمجھدیاں ہوئے تے اوہدی مدد دی لوڑ نوں جان دیاں ہوئے ایس جلالی چانن اُتے اوہدی گرفت نوں ڈھیلا نئیں کیتا جد تیکر پئی اوہدی فطرت بدل نہ گئی۔ جد یعقوب کو لوں بچھیا گیا، ”تیرا ناں کیہ اے؟“ تے اوہنے سدھا جواب دتا: فیر اوہاں ناں اسرائیل پے گیا، کیوں جے ”اک شہزادہ ہندیاں ہوئے“ اوہنے ”بندیاں دے نال تے رب دے نال زور آزمائی کیتی تے غالب آیا۔“ فیر یعقوب نے اپنے چھڑان والے توں سوال کیتا، ”میں تیری منت کرداواں توں مینوں اپنا ناں دس دے؛“ پر ایس سوال نوں رد کردتا گیا، کیوں جے قاصد بدنی ہستی نئیں سی، بلکہ اک بے نام، انسان دے نال الہی پیار دی غیر بدنی تفویض سی، زبور دے لکھاری دے لفظاں دے مطابق، جنسے اوہدی روح نوں بحال کیتا، اوہنوں ہستی دار روحانی فہم دتا تے اوہدے بدنی فہم نوں رد کردتا۔

ایس لئی یعقوب دی کوشش دا نتیجہ نکلیا۔ اوہنے روح تے روحانی قوت دے فہم دے نال مادی غلطی نوں جتیا۔ اوہنے اوس بندے نوں بدل کے رکھ دتا۔ اوہنوں فیر یعقوب نہ آکھیا گیا، بلکہ اسرائیل، رب دا شہزادہ، یارب داسپاہی آکھیا گیا جنسے چنگی لڑائی لڑی سی۔

4 20-14:410

رب اُتے ساڈے ایمان دی ہر آزمائش ساہنوں مضبوط کر دی اے۔ مادی حالت دار وچ دے پاروں ہارنا جنہاں آوکھا لگے گا اوہناں ای ساڈا ایمان مضبوط تے ساڈا پیار پاک ترین ہونا چاہیدا اے۔ پولوس رسول آکھدا اے پئی ”پیار وچ ڈر نئیں ہندا بلکہ سچا پیار ڈر نوں دور کر دیندا اے۔۔۔ کوئی ڈرن والا پیار وچ کامل نئیں ہو گیا۔“

5 19-15:571

ہر دور تے ہر حال وچ، بدی اُتے چنگیائی دے نال قابو پاؤو۔ اپنے آپ نوں جانو تے رب بدی اُتے فتح مندی لئی حکمت تے موقع دیوے گا۔ محبت دے لباس وچ ملبوس ہوو، تے انسانی نفرت تہاڈے تیکر نہیں اڑ سکدی۔

6- 22-3:4

صبر، حلیمی، پیار تے نیک کماں وچ ظاہر ہوون والے فضل وچ ترقی کرن دی پُرجوش تاہنگ لئی ساہنوں دعا کرن دی لوڑاے۔ اپنے استاد دے حکماں اُتے عمل کرنا تے اوہدے نمونے اُتے ٹرنا ساڈے اُتے اوہدا ٹھیک قرض اے تے جو کجھ اوہنے کیتا اوہدی شکر گزاری دا کلاہ چنگا ثبوت اے۔ وفاداری تے دلی شکر گزاری نوں ظاہر کرن لئی باہر والی عبادت اپنے آپ وچ ای کافی نہیں اے، کیوں جے اوہنے آکھیا، ”جے تسی میرے نال پیار کردے اوتے میرے حکماں اُتے عمل کرو۔“

ہمیشہ چنگے بنے رہن دی عادی کوشش ہمیشہ دی دعا اے۔ اوہدے مقصد اوہناں برکتاں توں ظاہر ہندے نیں جیہڑیاں ایہہ لیاوندی اے، اوہ برکتاں جنہاں نوں جے ناقابل سماعت لفظاں وچ وی نہ سنیا جاوے، تے محبت دے نال حصہ دار بنن لئی ساڈی قابلیت دی تصدیق کردیاں نیں۔

صرف ایہہ آکھن نال پئی اسی رب نال محبت کردے آں ساہنوں رب نال محبت نہیں ہو جاوے گی؛ بلکہ چنگے تے پاک تر ہوون دی خواہش نال، تے روزدی ہوشیاری تے الہی کردار وچ ہوو جذب ہوون دی کوشش کرن نال اسی اپنے آپ نوں نویں انسانیت وچ تبدیل کراں گے تے ڈھالاں گے۔ جد تیکر پئی اسی اوہدی شبیہ وچ بیدار نہیں ہو جاندا۔

7- 15:242 (خودپرستی)۔20

خودپرستی اک مضبوط جسم توں بوہتی غیر شفاف اے۔ صابر رب دی صابر تابعداری وچ آؤ غلطی، خودارادی، خود جوازی تے خودپرستی دے سخت پتھرنوں پیار دے محلول نال حل کرن لئی کوشش کریئے جیہڑا روحانیت دے خلاف جنگ کردا اے تے ایہہ پاپ تے موت دا قانون اے۔

8- 16-11:9

جے خود غرضی نے ہمدردی نوں تھان دے دتی اے، تے اسی اپنے گوانڈی دے نال بے غرضی نال سلوک رکھاں گے، تے اپنے لعنت کھلن والیاں لئی برکت چاہواں گے؛ پر اسی ایس وڈھے فرض تیکر صرف ایہہ منگن نال کدی نئیں اپڑ سکدے پئی ایہہ بس ہو جاوے۔ ساڈے ایمان تے امید دے پھل دامزہ لین توں پہلاں ساہنوں اک سولی نوں چکناں پئے گا۔

9- 17-11:560

انسانی فہم لئی اک وڈھا معجزہ الہی محبت اے، تے وجودیت دی سب توں وڈھی لوڑاوس شے دا اصلی تصور پانا اے جیہڑی انسان دے اندر اسمان دی بادشاہی نوں بناؤندی اے۔ ایہہ مقصد تے تیکر حاصل نئیں کیتا جاندا جڈ تیکر اسی اپنے گوانڈی نال نفرت کردے یکسے اجیسے بندے دے بارے جھوٹے اندازے نوں من دے آل جنہوں رب دے کلام دی آواز بن لئی مقرر کیتا گیا ہووے۔

10- 11:5:405

کر سچن سائنس انسان نوں خواہشاں دمالک بمن، شفقت دے نال نفرت نوں اک تعطل وچ روکن، پاکیزگی دے نال
شہوت اُتے، خیرات دے نال بدلے اُتے فتح پان تے ایمانداری دے نال فریب اُتے قابو پان دا حکم دیندی اے۔ جے
تسی صحت، خوشی تے کامیابی دے خلاف سازشیاں دی اک فوج نئیں لیانا چاندے تے ایہناں غلطیاں نوں شروع
والے مرحلیاں وچ ای ضائع کر دیو۔

11- 32-26:30

جے اسی روح نوں پورا اختیار سنبھالن دی اجازت دین لئی مادی فہم دیاں غلطیاں اُتے مناسب طور تے فتح پائی اے
تے اسی پاپ توں نفرت کراں گے تے اوہنوں ہر صورت وچ رد کراں گے۔ بس ایسے طراں اسی اپنے ویریاں لئی
برکت چاہ سکدے آں، حالانکہ ہو سکد اے وہ ساڈے لفظاں نوں نہ سمجھن۔

12- 23-17:454

شفاتے تعلیم دونواں وچ جرب تے انسان نال پیار سچا پیار اے۔ پیار راہ نوں متاثر کردا، روشن کردا، چن داتے راہنمائی
کردا اے۔ درست مقصد خیالاں نوں شہ دیندے، تے کلام تے اعمال نوں طاقت تے آزادی دیندے نیں۔ پیار
سچائی دی الطار اُتے وڈھا نگہبان اے۔ فانی سیان دے پانیاں اُتے ٹرن تے کامل نظریہ بناؤن لئی صبر دے نال الہی پیار
دی اڈیک کریئے۔

روزانہ دے فرض

میری بیکریڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچیاں، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

مقصد اں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصد اں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کر دا اے، تے اک مسیحی سائنسدان پاپ نوں رد کر دیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکن اں نوں سارے پاپاں توں، غلط طراں دیاں پیشین گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہیدی اے۔

چرچ مینوئیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوئیل، آرٹیکل VIII، سیکشن 6۔